

## Script of Evening Gojri News Bulletin 24 December 2024 at 1700 Hrs

ایوئنگ گو جری نیو ز بلیٹن مو 24 دسمبر 2024

- 1★. وزیر اعظم نریندرا مودی نے بجٹ تیں پہلائیں نوی دبلي مانہہ ماہر اقتصادیات سنگ گل بات کی ہے۔
- 2★. مرکزی وزیر داخلہ امت شاہ نے قومی جرائم ریکارڈ بیورو غی جائزہ میٹنگ غی صدارت کر گئے 3 نویں جرائمی قوانین غا نفاذ غو جائزہ لیو ہے۔
- 3★. قبائلی امور با رہے و زیر جا وید احمد رانا نے جموں کشمیر مانہہ قبائلی بھبھود نانہہ فروغ دین واسطے نویں تسليم شدہ قبائلی طبقہ با رہے ایم محکمانہ تجویز نانہہ منظوری دے دتی ہے۔
- 4★. اے ڈی جی پی جموں زون اند جین نے نوجواناں توں اپیل کی ہے جے وے منشیا ت توں دور رہیں تے قوم غی بھلائی بھتری مانہہ کردار ادا کریں۔
- 5★. تے محکمہ موسمیات نے 3 جنوری تک جموں کشمیر مانہہ موسم غی خرابی غی پیشناگوئی کی ہے۔

\*\*\*\*\*

### PM Economist

وزیر اعظم نریندرا مودی نے اج نوی دبلي نیتی آیوگ مانہہ ماہرین اقتصادیات سنگ بجٹ تیں پہلائی مشاورات مانہہ شرکت کی ہے، اس دوران مرکزی وزیر خزانہ نرملہ سیتها رمن، نیتی آیوگ غا سی ای او بی وی آر سبرامنیم تے دوجا سینئر افسروی اس میٹنگ مانہہ موجود تھا۔ مرکزی بجٹ 2025/26 ور بجٹ تیں پہلائی غی مشاورات اس مہینہ غی 6 تا ریخ نانہہ شروع ہوئی تھی۔ تے اس ضمن مانہہ محترمہ سیتها رمن نے بکھہ بکھہ ریاستان غا وزراء خزانہ، کسان تنظیمان، ماہرین اقتصادیات تے دوجان سنگ مشاورت کی ہے۔ منیو جا ریبو ہے جے مرکزی وزیر خزانہ پہلی فروری نانہہ لوک سبھا مانہہ 2025/26 غو بجٹ پیش کریں گی۔

\*\*\*\*\*

### HM NCRB

مرکزی وزیر داخلہ امت شاہ نے آج 3 نویں جرائمی قوانین غی عمل آوری با رہے نوی دبلي مانہہ قومی جرائم ریکارڈ بیورو یعنی "این سی آر بی" سنگ اک جائزہ میٹنگ غی صدارت کی ہے۔ میٹنگ غی دوران امت شاہ نے "این سی آر بی" نانہہ کھیو ہے جے واہ انٹر اپریل کریمنل جسٹس سسٹم آئی سی جے ایس 2 عشاریہ صفر غا نفاذ نانہہ آسان بناؤ۔ وزیر داخلہ نے مزبد کھیو ہے تمام فوجداری مقدمات واسطے الریس مقررہ مراحل اور وقت غی حدان ور پیدا کی جائیں تے مقدمہ غا اندرج تیں لے گئے اس غا اختتام تک ایسا مراحل نانہہ اپنایو جائے، تاجیے متاثرین و شکائیت کنندگان نانہہ فائدو پُجے۔ اُنھاں نے ریاستان مانہہ ایپلیکشنز جس طرح کے ای ساکشیہ واہ ای سمن غا استعمال ور وی زور دتو۔

\*\*\*\*\*

## Tribal Minister

قبائلی معاملات با ره جاوید احمد رانہ نے ٹرائبل طبقان نانہ با اختیار بنان و راک قدم چاتاں بکھ بکھ ٹرائبل بھبودی سکیمان غے تحت جموم کشمیر مانہ نوان شامل ٹرائبل طبقان با ره ایم محکمانہ تجویز نانہ منظوری دے دتی ہے۔ وزیر موصوف نے عہدیداران نانہ کھیو ہے جے وے جموم کشمیر مانہ ٹرائبل آبا دی غی سماجی و اقتصادی با اختیارتبا ره اقدامات تیز کرن ور توجو دین۔ اُنہاں نے اک وسیع قبائلی ترقیاتی پروگرام دھرتی آبا ِ مشن غی توسعہ با ره وی منظوری دتی ہے۔ جس غومقصد گرائیان مانہ ٹرائبل اکثریت غا معاں ر زندگی نانہ بہتر کرنا ہے۔ دھرتی آبا ِ مشن ڈھانچائی، تعلیمی صحت سہولیاتی تے زندگی گزر بسر ترقیات با ره ترجیحات با ره نظر ثانی رکھے گو۔ واضح رہ جے محکمہ غی طرفون ٹرائبل لیڈران، غیر سرکاری تنظیمان تے مقامی اداراں غے بمراہ اک بیداری مہم وی چلائی جائے گی۔ جس دوران شفافیت خدمات غی ویلے سر تکمیل تے جوابدی ور مضبوط نگرانی غے ذریعے توجو دتی جائے گی۔

\*\*\*\*\*

## Education Minister

تعلیم تے سماجی بہود با ره وزیر سکینہ اتو نے جموم کشمیر تے لاخغا سماجی تے اقتصادی ترقی غا فروغ واسطے متا تعاون غی ضرورت ور زور پایو ہے۔ اُنہاں نے اس گل غو اظہار خواتین واسطے مخصوص خطہ غو پہلو جاب پو رٹل غی شروعات غے دوران کیو۔ اُنہاں نے خواتین نانہ با اختیار بنان تے معاں ری روز گار غا موقعہ فرایم کرن واسطے اس پہل غی تعریف کی۔ مہارا ضلع نمائندہ نے خبر ٹوری ہے جے اس پورٹل نانہ ایم آئی ای ٹی غی طرفون تیار کیو گیو ہے، جس غی مقصد خواتین نانہ جاب ما رکیٹ سنگ جوڑ غے صلاحیت غا موقعاں بشکار خلاء نانہ ختم کرنا ہے۔ اس دوران وزیر تعلیم نے بولتاں وان اس طرح کھیو۔۔۔ با ئٹ۔۔۔ اس تقریب غے دوران صنعت و تجارت غا ڈائیکٹر جموم ارون منہاس وی موجود تھا۔ جنہاں نے تقریب غے دوران خطاب کرتاں وان اس پلیٹ فارم غی ایمیت نانہ وی اُجاگر کیو۔ اُن غو مزید کھنہ تھو جے خواتین نانہ با اختیار بنان تے اک خوشحال مستقبل غی راہ بموارکرن مانہ یوہ پو رٹل مدد گا رثابت وہ گو۔ اُن غو کھنہ تھو۔۔۔ با ئٹ۔۔۔

\*\*\*\*\*

## Mission Yuva

بُندر ترقیات غا ڈائیکٹر اوم پرکاش بھگت نے حال بی مانہ اک میٹنگ غی صدارت کرتاں وان مشن یووا غو جائزو لیو ہے۔ میٹنگ مانہ بنا دی سروے کرن تے یووا پو رٹل ور نوجواناں غا اندرج با ره غور کیو گیو تے اس معاملہ ور توجو مرکوز کروائی گئی۔ اس پہل غو مقصد نوجواناں نانہ اک روشن مستقبل با ره ضروری بُندر مہیا کروا غے اُنہاں نانہ با اختیار بنانو ہے۔ میٹنگ غے دوران اس گل ور زور دتو گیو جے بُندر ترقیات ور توجو دتی جائے، کیونجے اس با ره پروگرام غو مقصد نوجواناں نانہ ایسا موقع مہیا کرانو ہے جن غے ذریعے وہ کامیابی با ره بُندرتے گُن سیکھیں تے سماج غی مثبت خدمات با ره تیار کرن مانہ اُن غی

مدد کی جائے۔ میٹنگ غے دوران پورا علاقہ مانہ نوجوانان غے با اختیارتیت بارے اس مشن غے اپمیت نانہ اُجاگر کیو گیو۔

\*\*\*\*\*

### Panchyat Electoral Roll

جموں کشمیر الیکشن کمیشن نے پنچایت الیکٹورل رول 2025 مانہ تجدید واسطے نظر ثانی شیڈیول جا ری کیو ہے۔ اس ضمن مانہ اسٹیٹ الیکشن کمشنر بن آر شرما غے طرفون جا ری کرده نظر ثانی غے تا ریخان غے مطابق دعوا تے اعتراض جمع کران غے تا ریخ 26 دسمبر 2024 تک بے جد کہ 6 جنوری 2025 تک ان دعوان غو نمیزو کر لیو جا جائے گو۔ تے حتمی پنچایت الیکٹورل رول 20 جنوری 2025 نانہ شائع کی جائے گی۔ آخری تا ریخ مانہ یاہ توسعی بہت سارا ضلعان تین گزارشات موصول ہون تین بعد کی گئی بے کیونجے آخری تا ریخان مانہ کافی سارا فارمز موصول کیا گیا بیں۔

\*\*\*\*\*

مزید خبران نال محبوب سلطانی۔ وراؤس تین پہلان یوه پیغام۔ (یہ خبر تم آکا شوانی جموں تین سُن دیبا بیں، تے یہ خبر مهاری ویب سائٹ نیوز آن آئیر ڈاٹ گوو ڈاٹ ان ور وی (دستیاب بیں، اس تین یہ خبر مهاری مو بائل ایپ تے ڈی ٹی ایچ ور وی دستیاب بیں

### ADGP Jammu

ادیشنل ڈائیریکٹر جنرل پولیس جموں انند جین نے نوجوانان تون اپیل کی بے جے نشہ تون دور ریبیں تے ملک غے بھلائی بھتری مانہ اپنو مثبت کردار ادا کریں۔ اُن نے اس گل غو اظہرا ر جموں یونیورسٹی مانہ بھارت متعدد عرب امارات ما سٹریز کپ 2024 غے افتتاحی تقریب غے دوران ذرائع ابلاغ غا نمائندان سنگ بولتاں وان کھیو۔ اُنھاں نے اس گل ورزور پاتاں وان کھیو جے نوجوانان غو علاقاں تے ملک غا روشن مستقبل غے تشکیل مانہ ایم کردار بے۔ اُنھاں نے نوجوانان نانہ تعليم، سماجی، فلاح و بہبود نے اپنا آپ غے ترقی ور توجہ پان با رہے وی کھیو، تانجے منشیات غا تاباں آلا رستہ تون بچیو جا سکے۔ اے ڈی جی پی موصوف غو کھنو تھو جے منشیات تون پاک معاشرو ملک غے مجموعی ترقی تے خوشحالی واسطے ضروری بیں۔ اُن غو یوه پیغام نوجوانان نانہ اپنی مستقبل غے ذمہ داری لین بارے ترغیب دین واسطے تھو۔ اُنھاں نے کھیو۔ بائٹ۔

\*\*\*\*\*

### Good Goverence Doda

بھتر انتظامیہ بفتحہ 2024 غا اک حصہ غے طور ور ڈوڈہ مانہ پنچایت اُدھیانپور مانہ اک عوامی رسائی پروگرام منعقد کیو گیو۔ جس مانہ مضافاتی علاقاں غا 100 تین زیا دہ افراد نے شرکت کی۔ اس پروگرام غو مقصد مقامی شکایات و پریشانیاں غو حل کرنو ہے۔ اس پروگرام غے دوران پی ایم جی ایس وائی، جنگلات، تعلیم، محکمہ مال تے جل شکتی سنگ مُنسک معاملات ور غور کیو گیو۔ تے کُج معاملات نانہ موقعہ ور بی حل کر لیو گیو۔ اسے دوران محکمہ جنگلات غا بھدرواہ ڈویزن غے طرفون ڈانڈی تے بھدرواہ مانہ کیمپ لا غے ماحولیاتی بیداری تے پا ئیداری روایت بارے لوکاں نانہ اُجاگر کیو گیو۔ اس قدم غو مقصد

بہتر انتظامیہ اور مقامی شمولیت غا نظریہ سنگ لوکان نانہ جنگلات غا تحفظ و نظم و ضبط سنگ جوڑنو ہے۔

\*\*\*\*\*

### Announcement

آکاش وانی جموم غا ریجنل نیو زیو نٹ غی طرفوں 100 دنار توڑی ٹی بی غی بیماری نانہ روکن غی تیز تر مہم غا موقعہ و ر 30 مِنٹاں غو اک خصوص پروگرام نشر کیو جا رہیو ہے۔ یاہ مہم صحت تھے خاندانی بہبود با رہے مرکزی وزارت غی طرفوں گذشتہ 7 دسمبر نانہ شروع کی گئی تھی۔ اس مہم ور مبنی پروگرام آکاش وانی جموم تین کل یعنی 25 دسمبر نانہ سویر سادا 9 بجے نشر کیو جائے گو۔ اس پروگرام غو مقصد لوکان نانہ ٹی بی غی بیماری ور قابو پان تھے اعلاج با رہے لوکان مانہ بیداری پیدا کرنو ہے۔ اس پروگرام نانہ آکاش وانی نیوز جموم ور میگا واڑ 9 سو 90 کلو بڑ 104 عشاریہ 5 تے 100 عشاریہ 3 ایف ایم ور سُنسیو جا سکے گو۔

\*\*\*\*\*

### Weather

جموم کشمیر مانہ اگلا 2 بفتان غی دوران زیادہ با رش تھے برفبا ری غی پیشناگوئی نہیں کی گئی ہے۔ محکمہ موسمیات نے دسیو ہے جے 3 جنوری تک غیر مستحکم موسمی حالات رہیں گا۔ اس ضمن مانہ مزید جانکاری دتی ہے جے وادی کشمیر غا اچیرا علا قان مانہ بلکی برفبا ری بو سکے۔ رات غی دوران درجہ حرارت مانہ بہتری دیکھنے نانہ مل رہی ہے تے اس ضمن مانہ محکمہ موسمیات غو کہنو ہے جے اگلا 3 تھاڑا اندر درجہ حرارت مانہ 2 توں 3 ڈگری سلیسیس کمی غو امکان ہے تے کشمیر خطہ مانہ ٹھنڈ غی لہدجا ری رہ گی۔ وزیر اعلیٰ عمر عبداللہ ذاتی طور ور انتظامیہ غی نگرانی کر رہیا بیں تا نجھے وادی کشمیر مانہ تھے خاص طور ور دور دراز علا قان اندر بجلی، پانی تھے دیگر ضروری اشیاء غی بغیر رکا وٹ فرابمی نانہ یقینی بنایو جا سکے۔ تھے انتظامیہ غی طرفوں جموم ڈویزن مانہ ضروری اشیاء غی فرابمی نانہ بہتر بنان غی کو شش وی کی جا رہی بیں، جن مانہ پیر پنجال تھے خطہ چناب ویلی غا اوکھا علاقہ شامل بیں۔

\*\*\*\*\*